



CONVENIO DE COLABORACIÓN ENTRE O CONCELLO DE OURENSE E CRUZ ROJA ESPAÑOLA , PARA O DESENVOLVEMENTO DE ACCIÓNS ENCAMIÑADAS Á EXECUCIÓN DO SERVIZO DE ACOLLIDA E ATENCIÓN INMEDIATA A PERSOAS VULNERABLES.

En Ourense, a 20 de Decembro de 2024

REUNIDOS

Dunha parte, **Don Gonzalo Pérez Jácome**, con DNI 34960446-D, Alcalde-Presidente do Concello de Ourense, na representación que ostenta en virtude do seu cargo.

Doutra parte, **Don Felipe Ferreiro Feijóo**, con DNI 34599017-W, en nome e representación, como Presidente Provincial, da entidade Cruz Roja Española, con CIF Q2866001G e dirección establecida en Ourense na rúa Díaz de la Banda, nº40, representación que acredita mediante a oportuna acreditación.

A **Oficial Maior** do Concello de Ourense, **Dona Silvia Alonso Fernández**, quen fai constar, dado que non existe unidade de acto ao realizarse a sinatura do documento por medios electrónicos, que a función de fe pública prevista no artigo 3.2.i) do Real Decreto 128/2018, do 16 de marzo, polo que se regula o Réxime Xurídico dos Funcionarios da Administración Local con habilitación de carácter nacional, en relación co disposto no apartado d) da Disposición Adicional Oitava da Lei 7/1985, do 2 de abril, reguladora das Bases de Réxime Local, limitase a comprobar a identidade dos intervenientes a través da documentación que forma parte do expediente, así como a verificar a validez das sinaturas electrónicas incorporadas ao presente documento, que os certificados dos asinantes non foron revocados e que non houbo modificacións no documento. En particular, para os efectos de verificar a identidade e validez da sinatura efectuada polo representante da entidade Cruz Roja Española, incorpórase ao expediente administrativo electrónico municipal con número 2024048669 o comprobante de validación emitido pola plataforma Valide obtido no enlace <https://valide.redsara.es/valide/validarFirma/executar.html>, polo cal se verifica tanto a validez do certificado como da sinatura electrónica realizada.

Teñen, segundo interveñen, a capacidade legal necesaria para formalizar o presente **Convenio de Colaboración** e,

EXPOÑEN



PRIMEIRO.- Que a finalidade do presente convenio é canalizar a favor da entidade beneficiaria “CRUZ ROJA ESPAÑOLA”, a subvención que figura no vixente orzamento municipal do ano 2024, segundo o crédito consignado na partida 140.2318.48960 co seguinte literal: «Convenio Cruz Roja Española», sendo o importe da dotación de 50.000,00 euros; así como establecer as condicións e compromisos que asume a entidade beneficiaria.

SEGUNDO.- A Lei 9/2007, do 13 de xuño, de subvencións de Galicia, dispón no seu artigo 19.4.a) que se poderán conceder de forma directa as subvencións previstas nominativamente nos orzamentos xerais, nos termos recollidos nos convenios e na normativa reguladora destas subvencións, e no artigo 26.1 establece que os convenios serán o instrumento habitual para canalizar estas subvencións. Resultando de aplicación a entidades locais segundo o disposto no artigo 1 do citado texto legal. Igualmente, neste sentido se expresa o artigo 22.2.a) de carácter básico da Lei 38/2003, del 17 de novembro, Xeral de Subvencións.

TERCEIRO.- Que na Xunta de Goberno Local extraordinaria do **día 19 de Decembro de 2024**, aprobouse o desenvolvemento do fin do presente convenio e se faculta ao Alcalde-Presidente para súa sinatura.

CUARTO.- Que ambas as dúas partes consideran de mutuo interese para o cumprimento das súas respectivas funcións establecer fórmulas de colaboración no ámbito social, a través deste convenio.

En virtude do exposto e recoñecéndose ambas as dúas partes na representación que ostentan capacidade suficiente, acordan asinar un convenio de colaboración de acordo coas seguintes

CLÁUSULAS

PRIMEIRA.- OBXECTO

O presente convenio ten por obxecto establecer as condicións e compromisos aplicables conforme ao establecido na normativa vixente, particularmente no artigo 65 del RD 887/2006, do 21 de xullo, polo que se aproba o regulamento da Lei 38/2003, do 17 de novembro, Xeral de Subvencións, e que desenvolve o artigo básico 22.2.a) da Lei.

O obxecto desta subvención é financiar gastos do proxecto do servizo de acollida e atención inmediata a persoas vulnerábeis da entidade beneficiaria no ano 2024, polo que non se poderán aplicar os fondos a gastos de distinta natureza e finalidade que segundo o establecido no proxecto presentado consiste en preservar os dereitos e dignidade das persoas en situación de necesidade inmediata por razóns sobrevidas ou engadidas a unha precariedade crónica a través dunha atención inmediata, conforme o certificado de retención de crédito do **25 de novembr2 de 2024 con número de operación 202400069324**.

SEGUNDA.- ACTUACIÓNS



O servizo pretende ofrecer unha atención inmediata, eficaz e reparadora ás persoas que por diferentes motivos se atopan nunha situación de vulnerabilidade.

Fundamentalmente os **destinatarios** do servizo son:

- ⑩ Familias e persoas vulnerables con nulos ou poucos recursos
- ⑩ Persoas con dificultades para afrontar a cobertura de gastos esenciais.
- ⑩ Migrantes en posesión de pasaporte ou NIE sen permiso de traballo en vigor con dificultades para o acceso á vivenda , persoas sen cobertura sanitaria para tratamentos médicos e escasos ou nulos recursos económicos.
- ⑩ Persoas con DNI ou NIE con permiso de traballo en vigor e en situación de vulnerabilidade.
- ⑩ Persoas, en xeral, que se atopen en dificultades de acceso a recursos sociais por incumprimento dalgún requisito.

O servizo estrutúrase nas seguintes **fases**:

- ⑩ Acollida
- ⑩ Valoración e deseño dun Plan personalizado de Intervención
- ⑩ Atención inmediata: contempla un amplo abanico de accións destinadas a resolver ou paliar as demandas mais urxentes, apoio inmediato para as necesidades máis básicas, formación e información para previr e resolver a través de accións como:
 - ⑩ Información e orientación sobre recursos socio-comunitarios e entidades de referencia dispoñibles.
 - ⑩ Acompañamento e apoio na realización de xestións administrativas e dixitais.
 - ⑩ Obradoiro de aforro enerxético no ámbito doméstico cunha posterior atención individualizada para a valoración do gasto eléctrico.
 - ⑩ Obradoiro de activación social e sesións individuais personalizadas.
 - ⑩ Obradoiro de auto-coidado e sesións posteriores individualizadas.
 - ⑩ Entrega dun kit enerxético posterior á orientación centrada na revisión da factura eléctrica e orientación personalizada para o aforro relacionado con ese gasto.
 - ⑩ Xestión de desprazamentos fora da cidade con motivo de procesos documentais, exploracións laborais, reunificación familiar, consultas médicas, ocupacións de prazas residenciais...
 - ⑩ Xestión e abono de taxas de documentación administrativa básica (tarxeta sanitaria, DNI...)
- ⑩ Seguimento e acompañamento

Para o desenvolvemento das sucesivas fases estarase ás actividades descritas no proxecto de actividade que presenta a entidade e que consta incorporado ao expediente administrativo.

TERCEIRA.- ORZAMENTO DE GASTOS DA ENTIDADE BENEFICIARIA



	CONCELLO	FONDOS PROPIOS	TOTAL
Persoal Técnico	30.000,00€	19.176,52€	49.176,52 €
Actividades e Axudas Extraordinarias	30.000,00€	0,00€	30.000,00 €
Gastos Xerais (combustible, suministros...)	0,00€	823,48 €	823,48 €
Total	50.000,00€	20.000,00€	80.000,00€

CUARTA.- FINANCIAMIENTO MUNICIPAL E OUTROS INGRESOS QUE SE OBTENAN OU APORTEN PARA OUTRA FINALIDADE

A contía da subvención non poderá exceder do 75% do custe total da actividade desenvolvida e debidamente xustificada, cunha achega máxima, en todo caso, de 50.000 euros, producíndose a perda do dereito ao cobro total ou parcial da subvención no suposto de falta de xustificación dentro do prazo de dous meses desde o final da vixencia do convenio.

O importe do financiamento municipal farase efectivo con cargo á partida orzamentaria 140.2318.48960.

A subvención do Concello é compatible coa percepción doutras subvencións ou axudas, públicas ou privadas, que a entidade beneficiaria obteña para a mesma finalidade, sempre que seu importe, conxuntamente co da subvención municipal, non supere en ningún caso, o importe total do gasto efectivamente executado.

Para o caso de que a concorrencia de axudas ou subvencións supere o importe do gasto efectivamente executado, se minorará a achega municipal no importe necesario para darlle estrito cumprimento ao apartado anterior.

No caso de que non se xustifique o total orzamentado procederase a reducir proporcionalmente a subvención outorgada.

QUINTA.- CONTRATACIÓN E EXECUCIÓN

A execución total da actividade será realizada por “CRUZ ROJA ESPAÑOLA”.

O outorgamento dos contratos de servizos ou suministros necesarios para a execución da actividade pola entidade beneficiaria serán por conta dela. Non se poderá contratar a realización de prestacións con persoas ou entidades vinculadas á entidade beneficiaria, nin con calquera outra na que concorra



algunha das circunstancias ás que se refire o artigo 29.7 da Lei 38/2003, de 17 de novembro, Xeral de Subvencións.

SEXTA.- PUBLICIDADE DO FINANCIAMENTO MUNICIPAL

1.- A entidade estará obrigada a dar adecuada publicidade de que o programa ou proxecto obxecto da subvención nominativa é financiado polo Concello de Ourense de acordo co manual de estilo publicado na web <https://ourense.gal/es/identidadcorporativa/>.

2.- Establecerase de forma clara nos exemplares dos programas, carteis anunciadores, fotografías e demais material gráfico e sonoro que publiquen con motivo da actividade subvencionada, o patrocinio de Ourense e, no caso de material gráfico, o anagrama do Concello de Ourense.

3.- Coa conta xustificativa presentaranse os documentos que permitan dar cumprimento á dita obriga; deste xeito, se entregará copia do material de difusión no que apareza o Concello de Ourense; achegarase un exemplar de cada un dos folletos, carteis, libros, vídeos, soportes dixitais editados, de ser o caso, co motivo da actividade subvencionada.

4.- En calquera caso é imprescindible:

- A entrega de reportaxe fotográfico publicitario do programa, no que se poida comprobar ,non só o contido da cartelería, senón a posta disposición da mesma no lugar de desenvolvemento da actividade.

- Se as entidades teñen un portal web ou figuran adheridas a unha rede social, acreditarase nelas o patrocinio municipal e describirase o programa xunto co anagrama municipal.

Cando o programa, actividade, inversión ou actuación disfrutara doutras fontes de financiamento e a entidade viñera obrigada a dar publicidade desta circunstancia, os medios de difusión da subvención concedida así como a súa relevancia deberán ser análogos aos empregados respecto das outras fontes de financiamento."

SÉTIMA.- OBRIGACIÓNS DA ENTIDADE BENEFICIARIA

A entidade beneficiaria está suxeita ao cumprimento das obrigacións establecidas no el artigo 14 da Lei 38/2003, de 17 de novembro, Xeral de Subvencións, e no artigo 4 da Ordenanza xeral municipal de subvencións do Concello de Ourense.

OITAVA.- A XUSTIFICACIÓN DA SUBVENCIÓN

A xustificación da subvención realizarase coa modalidade de "conta xustificativa do gasto realizado", que será presentada pola entidade beneficiaria, coa seguinte documentación:

- Instancia subscrita polo Presidente da entidade dirixida ao Alcalde–Presidente na que se solicite o pago da subvención concedida.



- Memoria de avaliación asinada consistente en declaración detallada da actividade con cargo á subvención do Concello de Ourense e o seu custo, no que se xustifique o cumprimento das condicións impostas neste convenio.

- Relación numerada correlativamente de todos e cada un dos documentos xustificativos de cada un dos gastos realizados con motivo da actividade descrita, con expresión da data, proveedor, obxecto facturado, importe total do documento, data e forma de pago, e importe aplicado ao proxecto entendido este como o custe total da actividade obxecto do convenio. A relación estará asinada polo secretario da entidade e co visto e prace do presidente.

- Presentación de facturas ou outros documentos de valor probatorio equivalente, con validez no tráfico xurídico mercantil acreditativos do gasto realizado, ordenados correlativamente segundo o número de orde firmado na relación numerada á que se refire o parágrafo anterior.

Os documentos xustificativos se presentarán de acordo co disposto no artigo 28 da Lei 39/2015; con todo, mediante informe motivado do servizo xestor se poderá solicitar o cotexo dos documentos entregados para o que se poderán requirir os documentos orixinais.

Segundo o citado artigo, os gastos realizados se acreditarán mediante facturas con todos os elementos sinalados pola normativa aplicable en cada caso. Como mínimo expresarán o nome ou razón social da empresa que facture e o seu NIF, data de emisión, importe, detalle de cada un dos obxectos ou conceptos facturados, Imposto sobre o Valor Engadido (IVE) de forma diferenciada, base imponible, tipo de IVE aplicable e importe total. Para o caso de facturas que conteñan retención de impostos (IRPF) deberá acreditarse o ingreso da retención. En ningún caso se admitirán billetes de caixa ou simples recibos, salvo que estes veñan acompañados doutra documentación acreditativa do gasto e do pago.

Para considerar debidamente acreditados os custos salariais correspondentes aos gastos de persoal, deberán entregarse copias dos contratos de traballo, nóminas correspondentes firmadas por seu perceptor e pagadas u obrigación de pago bancaria, así como os xustificantes correspondentes ás cotizacións á Seguridade Social. Deberá xustificarse a retención e ingreso na Axencia Estatal da Administración Tributaria das cantidades correspondentes ao Imposto sobre a Renda das Persoas Físicas (IRPF).

As facturas ou minutas por prestación de servizos profesionais deberán conter os mesmos elementos que os especificados para as facturas, así como a acreditación de que foi realizada a pertinente retención fiscal e liquidado seu importe na Axencia Estatal da Administración Tributaria.

- Documentos acreditativos dos pagos aos acredores, mediante documento bancario ou recibín do proveedor no propio documento de gasto. En todo caso, para os pagos de contía igual ou superior a 1.000€ por acredor, deberá acreditarse mediante documento bancario.

- Relación desagregada de todos os ingresos que financian a actividade (fondos propios, subvencións concedidas e outras achegas) con acreditación de súa contía, procedencia e aplicación.

- Acreditación de estar ao día no cumprimento das obrigas tributarias e coa Seguridade Social, segundo o disposto na cláusula décima.



NOVENA.- PRAZO DE XUSTIFICACIÓN

A entidade beneficiaria queda obrigada a presentar a conta xustificativa da cláusula oitava deste Convenio no prazo máximo de dous meses desde o fin da vixencia do convenio. Para o cómputo do prazo se estará ao disposto no artigo 30.4 da Lei 39/2015, do 1 de outubro, de Procedemento Administrativo Común das Administracións Públicas.

O abono da subvención se materializará mediante ingreso na conta designada pola beneficiaria.

Só se procederá ao libramento da subvención concedida previa a xustificación polo beneficiario do gasto realizado nos termos e coas formalidades sinalados na cláusula oitava deste Convenio e na Ordenanza xeneral municipal de subvencións do Concello de Ourense.

Non poderá realizarse o pago da subvención en tanto o beneficiario non se atope ao corrente do cumprimento de súas obrigacións tributarias e fronte á Seguridade Social, ou sexa debedor por resolución de procedencia de reintegro.

DÉCIMA.- ACREDITACIÓN DO CUMPRIMENTO DAS OBRIGACIÓNS TRIBUTARIAS E COA SEGURIDADE SOCIAL

A entidade beneficiaria deberá estar ao día, con carácter previo á firma deste convenio, e logo, con carácter previo ao pago da subvención, no cumprimento das obrigacións tributarias coa Administración do Estado, coa Comunidade Autónoma, co Concello de Ourense e coa Seguridade Social. A acreditación do cumprimento destas obrigacións farase mediante certificación expedida pola administración competente.

A acreditación do cumprimento das obrigacións tributarias co Concello de Ourense determinarase de oficio por este.

DÉCIMO PRIMERA.- GASTOS SUBVENCIONABLES

A entidade beneficiaria destinará os fondos recibidos ao pago dos gastos subvencionables da actividade descrita na cláusula I do presente Convenio conforme os xustificantes de gasto presentados.

Considéranse gastos subvencionables aqueles, que sendo correctamente xustificados de conformidade coa cláusula oitava, son necesarios e responden de forma indubitable á natureza do obxecto da subvención definido na cláusula I do Convenio, correspondan ao período de vixencia do convenio, isto é, do 1 de xaneiro de 2024 a 31 de decembro de 2024, e estean pagados no prazo de xustificación, en concreto para a consideración dos gastos subvencionables estarase ao disposto no artigo 12 da Ordenanza xeneral municipal de subvencións.

En ningún caso serán subvencionables os gastos recollidos no apartado 3 do artigo 12 da Ordenanza xeral municipal de subvencións do Concello de Ourense.

DÉCIMO SEGUNDA.- COMPROBACIÓN DA SUBVENCIÓN



Para os efectos do artigo 21 da Ordenanza xeral municipal de subvencións do Concello de Ourense o Servizo de Benestar Social será o servizo competente para a comprobación da aplicación da subvención.

DÉCIMO TERCERA.- CONTROL FINANCIERO DO CONCELLO DE OURENSE E DOS ÓRGANOS DE CONTROL EXTERNO

Conforme ao disposto nos artigos 44 e seguintes da Lei 38/2003, de 17 de novembro, Xeral de Subvencións, e os artigos 41 e seguintes da Lei 9/2007, de 13 de xuño, de Subvencións de Galicia, a entidade beneficiaria poderá ser elixida pola Intervención municipal para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de todas as demais obrigacións formais e materiais que lle impón o presente convenio de colaboración.

Asemade, de acordo co previsto na Lei 6/1985, de 24 de xuño, do Consello de Contas de Galicia, a entidade beneficiaria queda sometida aos procedementos de fiscalización que leven a cabo o Consello de Contas de Galicia ou, de ser o caso, segundo o previsto na Lei Orgánica 2/1982, de 12 de maio, aos procedementos de axuizamento contable que poida incoar o Tribunal de Contas, e a calquera outro órgano de control, nacional ou europeo.

DÉCIMO CUARTA.- REINTEGRO E PERDA DO DEREITO Á SUBVENCIÓN

Procederá o reintegro da subvención por concorrer algunha das causas previstas no artigo 37 da Lei 38/2003, de 17 de novembro, Xeral de Subvencións, e no artigo 23 da Ordenanza xeral municipal de subvencións do Concello de Ourense.

Nos supostos nos que da conta xustificativa se deduxa que a actividade obtivo subvencións por importe superior ao 100% de seu custo, reduciráse proporcionalmente a axuda concedida na contía necesaria.

O incumprimento das obrigacións por parte da entidade beneficiaria poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de Subvencións de Galicia, sendo de aplicación o cadro de sancións previstos nas normas citadas.

DÉCIMO QUINTA.- INCORPORACIÓN AO REXISTRO PÚBLICO DE SUBVENCIÓNS E PUBLICACIÓN DA SUBVENCIÓN CONCEDIDA

En cumprimento do disposto no artigo 20.1 da Lei 38/2003, Xeral de Subvencións e demais normativa de desenvolvemento, os datos da subvención concedida e a identificación da entidade beneficiaria serán remitidas á Intervención Xeral do Estado, para que sexan incorporados á Base de Datos Nacional de Subvencións, coa exclusiva finalidade prevista neste precepto e co debido respecto á protección dos datos de carácter persoal, segundo o previsto na Lei Orgánica 3/2018, de 5 de decembro, de Protección de Datos Persoais e Garantía de Dereitos Dixitais.

Asemade, en cumprimento do disposto no artigo 16.3 da Lei 9/2007, de 13 de xuño, de Subvencións de Galicia, o Concello de Ourense remitirá a mesma información á Consellería de Economía e Facenda, co fin de que a incorpore ao Rexistro público de axudas, subvencións e convenios da Comunidade Autónoma de Galicia.



Segundo o previsto no artigo 18 da Lei 38/2003, de 17 de novembro, Xeral de subvencións, a concesión da subvención á entidade beneficiaria será publicada no Boletín Oficial da Provincia de Ourense na páxina web do Concello.

DÉCIMO SEXTA.- INEXISTENCIA DE RELACIÓN LABORAL

A subscrición deste Convenio non implicará relación laboral, contractual ou de calquera outro tipo entre os profesionais que realicen as actividades obxecto deste convenio (a Cruz Roja Española) e o Concello de Ourense.

DÉCIMO SÉTIMA.- MODIFICACIÓN, DENUNCIA E RESOLUCIÓN DO CONVENIO

As partes poderán modificar ou resolver este convenio en calquera momento por mutuo acordo. Asemade, poderán denunciar este convenio en calquera momento por vontade expresa de calquera das partes cun pre aviso de quince días naturais.

O incumprimento de calquera das obrigas contraídas neste convenio por unha das partes facultará á outra para resolvelo, cos efectos que legalmente procedan.

DÉCIMO OITAVA.- RÉXIME XURÍDICO APLICABLE, XURISDICIÓN COMPETENTE E INTERPRETACIÓN

Este convenio ten natureza administrativa e rexerase pola Lei 40/2015, do 1 de outubro, de Réxime Xurídico do Sector Público, pola Lei 39/2015, de 1 de outubro, do Procedemento Administrativo Común das Administracións Públicas, pola lexislación en materia de contratos das administracións públicas, polas demais normas de dereito administrativo e, no seu defecto, polas normas de dereito privado.

As cuestións litixiosas que poidan xurdir na interpretación e cumprimento deste convenio de colaboración, serán de coñecemento e competencia do Orde Xurisdiccional Contencioso-Administrativo segundo a distribución de competencias prevista na Lei 29/1998, de 13 de xullo, reguladora desta xurisdición.

A interpretación das dúbidas e lagoas que puideran aparecer na aplicación do presente convenio lle corresponderá á Xunta de Goberno do Concello de Ourense previos os informes preceptivos.

DÉCIMO NOVENA.- CONSENTIMENTO DAS PARTES EN MATERIA DE PROTECCIÓN DE DATOS

As persoas asinantes deste convenio manifestan o seu consentimento para que os seus datos persoais que aparecen neste e mailo resto de especificacións nel contidas poidan ser publicados na Base de Datos Nacional de Subvencións.

Asemade, as persoas asinantes deste convenio manifestan o seu consentimento para que as súas rúbricas consten nas copias que se remitan para a súa publicación no referido portal.

VIXÉSIMA.- VIXENCIA DO CONVENIO E PRÓRROGA



O presente convenio de colaboración entenderá a súa vixencia dende a data da sinatura por todas as partes ata o 31 de decembro do 2024.

Este convenio de colaboración obriga ao cumprimento do expresamente pactado, someténdose todas as partes ao acordado en todas as estipulacións, e como proba de conformidade subscríbese, por duplicado, exemplar no lugar e data arriba indicados.

O Alcalde-Presidente

Presidente Provincial de Cruz Roja Española

A Oficial Maior

Gonzalo Pérez Jácome

Felipe Ferreiro Feijóo

Silvia Alonso Fernández